



E-mailikkut uunga nassiussaq:
Inatsisartut ilaasortaat

17-10-2018
Sags nr
2017-24303

Erngup nukingata Nukissiornermut atorneqartarnera pillugu Inatsisartut inatsisaannut siunnersuutip (UKA2018, imm. 22) siullermeerneqarnerata nalaani apeqqummut akissut

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Erngup nukingata Nukissiornermut atorneqartarnera pillugu Inatsisartut inatsisaannut siunnersuummik Inatsisartut siullermeerinninnerisa nalaanni pigisanik aalaakkaasunik arsaarinnissuteqartarneq pillugu § 26-mi aalajangersakkamut apeqquteqartoqarpoq.

Apeqqummut akissutitut makkuninnga ilisimatitsissuteqassaanga.

§ 26-mi pigisanik aalaakkaasunik arsaarinnissuteqartarneq pillugu aalajangersagaq erngup nukinganut inatsimmi atuuttuusumi § 25-p assigaa. Pigisanik aalaakkaasunik arsaarinnissuteqartarneq tassaavoq inatsimmi tunngaviusumi § 73-imi ilaasutut illuutinik tunniussinernut taaguut, taamaallaallu Inatsimmi Tunngaviusumi piumasaqaatit pingasut atugassiarisat malillugit pisinnaasoq.

Siullertut pigisanik aalaakkaasunik arsaarinnissuteqartarneq kikkunnit tamanit piumasarineqartussaassaaq. Aappaattut pigisanik aalaakkaasunik arsaarinnissuteqarneq inatsisitigut tunngaveqassaaq. Pingajuattut tamakkiisumik taarsigassarsiassanik akiliuteqartoqassaaq.

”Kikkut tamarmik” nassuiarnerat tunngaviusumik inatsiseqarnermi kikkunnik tamanik nassuiaataasumut naapertuulluni pissaaq. Nukissiornermut erngup nukinganik nukissiorinnissamut isumalluutit atornissaat pillugit Inatsisartut inatsisaat najoqqutaralugu nalunaarutigisatut akuersissutinut toqqammavigisat iluanni sulianut ingerlanneqartunut atatillugu aalajangersagaq pigisanik aalaakkaasunik arsaarinnissuteqarnerissamut toqqammavissiivoq.

Pigisanik aalaakkaasunik arsaarinnissuteqartarneq pillugu Inatsisartut inatsisaanni malittarisassat najoqqutaralugit pigisanik aalaakkaasunik arsaarinnissuteqarneq pissaaq, ilanngullugu pigisanik aalaakkaasunik arsaarinnissuteqarnermi periusaasartoq pillugu Kalaallit Nunaannut inatsimmi malittarisassat. Pigisanik aalaakkaasunik arsaarinnissuteqartarneq inatsimmi pigisanik pisinnaatitaaffinnut akuliunnertut nassuiaatitut atugaavoq, Inatsimmi Tunngaviusumi § 73-imi ilaasoq.

Inatsimmi Tunngaviusumi § 73-ip isumaa tassaavoq inatsisiliortutut pissaaneqartup piginnaasaanut killilersuuteqarneq. Inatsimmi tunngaviusumi § 73-imi aalajangersagaq toqqaannartumik atugaasinnaavoq, pigisanillu piginnittuusinnaanermik illersuilluni. Pigisanik aalaakkaasunik arsaarinnissuteqarneq taamaallaat tamakkiisumik taarsiiffigisaqarluni pisinnaanera pillugu Inatsisip Tunngaviusup aalajangersagaanik toqqaannartumik tunngaveqarlutik eqqartuussiviit piginnaatitsissummik piginnittumut taarsigassiinissamik eqqartuussisinnaanerannik tamanna isumaqarpoq.

Inussiarnersumik inuulluaqqusillunga



Aqqalu Jerimiassen